


麻陽縣志

卷二之二

地 270.117

32.

:125



序

歲辛未余奉

命承乏茲土下車日取邑志讀之嘆曰甚矣哉邑之不可無志猶國之不可無史也雖然

麻陽縣志

序

志亦難言已缺而未備者固非冗而失實者更謬若夫簡而能該核而匪濫維茲麻志殆庶幾近之何則麻自宋迄今曲指數百年天時人事文



物典章何可勝舉今觀是書
約凡四卷而山川名勝封域
遠邇貢賦正錯物產精粗與
治理人文之得失興替無不
朗然具備焉情形灼見勸懲

聿昭後此者何容其擬議也
哉雖然麻之志自黃侯更訂
以來忽忽將一紀矣其間征
役之繁簡戶口之登耗歲時
之豐歉教化之盛衰實有不

能強之使同者倘必俟遲之
又久而後載輯焉吾恐傳聞
或謬予奪多乖是亦官其地
者不畱心典籍之過矣昔漢
宣帝察吏必稽輿圖朱晦翁

守南康卽講圖志余忝司牧
三載於茲安可不亟亟也維
時田君長盛聶君愈岳滕生
啓哲皆博學多才令望丕著
之君子也因以其事屬之三

君相與披舊牒徵近故已往者仍之闕佚者增之大率簡而能該核而匪濫彬彬乎與昔日之志無異也爰問序於余余覽之曰是可爲一方之

實錄也已蓋志也者誌事之書也於事則必備於筆則必嚴使言祥瑞而不言災眚非志也言功德而不言罪過非志也言善不言惡言是不言

非非志也有若茲綱舉目陳
詞嚴義著者乎吾知百世而
下產於斯仕於斯者匪獨幸
文獻之足徵且莫不凜凜於
勸誠焉則此志也其所關於

人心世教夫豈小小哉三君
曰然請授諸梓人以待輶軒
之采風可矣是爲序

皆

康熙甲戌孟夏文林郎知麻

陽縣事嶺南增江陳輝璧
琢齋父題於署中之玩鶴
亭并書



麻陽縣志目錄

方輿志卷之一

地圖 沿革 星望 疆界 山川 都甲 古蹟

形勝 八景附 風俗 災祥

學校志卷之二

學制 釋菜 位次 祀典 樂舞

建置志卷之三

城池 公署 壇廟 橋梁 水利 舖舍

秩官志卷之四

麻陽縣志 目錄

知縣 典史 訓導 巡檢

食貨志卷之五

田賦 丁徭 土產

選舉志卷之六

進士 舉人 貢士 武職 武舉 監生 雜貢

壽考

人物志卷之七

忠孝 義勇 節烈

方外志卷之八

仙釋

藝文志卷之九上

文

藝文志卷之九下

康熙三十三年知縣陳輝壁重刊

文 詩

外紀志卷之十

峭堡 屯衛

麻陽縣志

目錄

麻陽縣志舊序

邑志國史也今之邑古之國也又何能無史哉雖然史未
易言也有事有文有義三者備然後可與言史春秋古今
天下之信史也筆則筆削則削不隨時會爲褒貶若朱子
綱目司馬通鑑繼春秋而大居正者也自來家天下之正
本朝之前三代之後耳其他不能無懋德考亭君實成則
正統之敗則旁列之未免以成敗論也以知書自大聖人
春秋而後天下無信史矣典一志邑何敢妄希古人然有
一序必究其事之始終有一論必取其文之雅馴而義未

麻陽縣志

陳序

嘗不在又何敢註於志曰某也義何居某也義何若也抑
亦事核而文實斯已耳事則麻陽之事也文則麻陽之文
也義則竊取春秋謹嚴之意何也有美惡無褒貶也其間
綱領條目大都與他志同不敢繁不敢畧也始於己酉夏
竣於庚戌之秋閱十四月而志成蓋以一手筆不能不須
時日也况春秋聖人之志志邑者法春秋又安得不詳慎
也哉昔

康熙九年秋七月己巳湖廣辰州府沅州麻陽縣知縣

古皖陳五典序

麻陽縣志舊序

麻陽辰屬邑古唐宋錦州地往兵燹爲患政務劬勩令邑者不遑志蜀漢川蔡君今七年政成民安始志其事以徵文獻守湖北道大叅知南海郭公賜鴻序弁其首政以志載志以序光郁乎都矣蔡君受而梓成以示余上讀之卒業歎曰思深哉蔡君之慮麻陽也志之有方輿建置官守人物例也而君於水利學校獨志之詳及哨堡衛屯雖附麻而非麻事亦並志之君蓋思深而慮遠矣麻苦旱無備君故導溝洫開水利麻人文不振君故創學宮厲賢才麻

麻陽縣志

趙序

隣苗苦侵擾君故嚴哨堡重邊防三者皆政之大經而在麻尤爲肯綮君於民事罔不畱神而三者尤注念麻民之康食安寧而人文彬彬興者皆君賜也嗣君者循是行之麻可百世庇矣藉令當世尹皆麻陽則聖天子垂拱而臻上理何煩宵旰惜也悃福之吏實豐而名畜觀風採治以獻天子而君每遺珠豈與獻者其政又何如超卓而不可等倫耶噫不然吏近則其勢親故其名易達吏遠則其勢疎故其實難孚君遠吏也又不飾名不釣譽自盡而不求廷於上毋惑乎遺珠矣雖然君以五載晉州刺史而麻之

父老詣院道攀留卒得請以晉秋視縣事則君已孚當道
結知又何病矧百世而下循是志卽知有蔡君則君與漢
魯恭卓茂並埒其所得不旣多哉卽今旱禱歲詘麻民待
命孔殷君其益勵初志以圖稱塞寵命助庸並未艾也

萬曆十有八年正月上二日

賜進士出身中憲大夫知辰州府事宛陵趙

健拜書

麻陽縣志舊序

維康熙歲次甲子為

今上御極之二十有三年向者閩粵黔滇逆賊叛踞

皇上指授方畧德威遐暢數載之內以次削平即自

本朝定鼎以來海外絕島積季未誅之逋寇如廈門臺灣

者亦歸命納土並入版圖是時海宇同風車書一統運際

旋元之始天時人事休徵協應

皇上天縱神武以守而兼創之烈繼而裕垂之謨既創未大

之憂爰建久安之策於是戒飭羣工厲精庶政肇舉

麻陽縣志

黃序

東巡之典編輯

大政之書而最要且鉅者莫如

命儒臣纂修

皇清一統志猗歟盛哉斯誠國家太平極治之嘉會而我

皇上光前裕後之鴻猷也

志璋

明宰邊邑適值

督撫藩臬諸憲檄徵郡邑志書將纂成楚省通志

且上之

蘭臺以供採輯而麻邑自遭逆亂之後簡策強半焚毀且

前嘗

士師進勳凱旋百務倥偬日不暇給茲乃兢兢修補於
缺之餘採掇舊聞增輯新見命工剞劂於乙丑歲秋八月
遂成完書乃不揆而敘之夫典籍圖志之關於

國家詎不大哉如禹貢職方之屬此圖志之權輿固昭然
列之爲經萬世所考證也抑不寧惟是昔吾夫子於夏殷
之禮而深感於杞宋之不足徵而列國兵爭強凌弱衆暴
寡皆起於諸侯之去其籍蓋先王之典制不復存而并吞
者無所忌也蕭何之佐高祖也亦曰先收秦丞相府圖籍
故知天下阨塞戶口多少強弱之處由此觀之上自王朝

麻陽縣志

黃序

二

下及侯國莫不各有典籍圖志以紀其山川封域土田貢
賦制度禮樂民俗政教而俾後代世守焉卽推而言之六
經以及歷代諸史亦何莫非天下古今之大典籍圖志也
又何獨禹貢職方之屬乃稱圖志哉今天下一家封建變
爲郡縣郡邑志書卽古列國諸侯之典籍圖志也其中所
載大之而山川之表會疆野之分畫田賦之贏誦戶口之
登耗風氣之淳駁典章之沿革學校之興修官職之建置
吏治之寬猛汙隆俗尚之剛柔奢儉以至前之吏於斯士
者善可爲法惡可爲鑒與夫道路溝塗橋梁宮室層廡之

細亦無非官政之所係而皆於志乎是徵益一方之政
在焉今使爲吏者目不覩圖志之書不能因乎山川風氣
之別審乎習俗政教之殊以經其法而宜其民縱銳意爲
治有良法異政施之而愈拂行之而愈悖矣誠使爲吏者
披圖按志因民之性以調張弛之宜察俗之尚以節豐儉
之中量地之產以經出入之法而風教典制與夫吏蹟法
戒之昭垂莫不視倣而化裁之於以盡人之情而達事之
變不亦與記所稱修其教不易其俗齊其政不易其宜之
道之旨深有合乎哉且夫天下者一郡一邑之積也一郡

麻陽縣志

黃序

三

一邑治則天下無不治矣總一郡一邑之治以成天下
一統之盛治總一郡一邑之書以成天下統一統之全書下焉
以著守令循良之績而上焉卽以稽

國家忠質文之尚故郡邑圖志者天下治化所從出而亦
古今治化所從徵也圖志之所關詎不大哉顧無奈隨世
就功之士但知期會簿書之爲急而以贅疣視圖志則亦
何所考鏡以敷政宜民而昭宣上理乎余則陋矣固不足
以及此惟是於刊輯志書之成而推論其旨以告夫後之
人誠能讀焉而思思焉而措諸行則龔黃卓魯之業庶幾

日暮過之矣謹敘

皆

康熙二十四年秋七月甲戌湖廣辰州府沅州麻陽縣知

縣周溫陵黃志璋謹

麻陽縣志

黃序

川

